

<><><><><><>

Headlines

- वैश्विक मीडिया गल्लबात च अज्ज वेक्स घोषणा गी बपनाया गेआ। सदस्य मुख्खें रिवायतें ते विरासत गी अगगे बधाने च सैहयोग करने पर सैहमति जाहर कीती।
- उपमुख्यमंत्री सुरिन्दर चौधरी होरें नौशहरा च विकास कम्मूं दा जायजा लैता। उनें कम्में दे मयार गी बनाई रखने ते इसी समें सिर पूरा करने पर जोर पाया।
- मंत्री जावेद अहमद राणा होरें बन्ने आले इलाकें दे लोकें दी दलेरी दी सराहना कीती। राष्ट्रीय सुरक्षा च सेना दी भूमका गी उजागर कीता।
- सेहत मंत्री सकीना इत्तू होरें जम्मू कश्मीर दे दूर दरेड़े इलाकें च सेहत दिक्खभाल आले सरिस्ते गी मजबूत करने लेई 103 मैडिकल अफसरें दी नियुक्ति दी घोषणा कीती।
- रामबन थाहर जम्मू-श्रीनगर राष्ट्रीय जरनैली शिड़क पर चिक्कड़-गारा औने करी गड्डिङ्ग दी आओजाई दौनें भेठा दा बंद।

<><><><><><>

Waves Declarayion (Music)

मुंबई च वैश्विक मीडिया गल्ल करदे होई अज्ज वेक्स घोषणा गी अपनाया गेआ ते सदस्य मुख्ख रिवायतें ते परम्पराएं गी अगगे बधाने च सैहयोग करने पर सैहमति जाहर कीती। वेक्स शिखर सम्मेलन तैहत आयोजित मीडिया गल्लबात च 77 मुख्ख दे प्रतिनिधि शामिल होए। विदेश मंत्री डॉ.एस.जयशंकर ते सूचना ते प्रसारण मंत्री अश्विनी वैष्णव होरें कार्यक्रम दी अध्यक्षता कीती। सारे मुख्खें गल्ल सूचना ते भ्रामक सूचिएं दे प्रसार गी रोकने ते मीथुया दी अखंडता तथ्य आधारित पत्रकारिता ते जिम्मेदार विज्ञापन गी बढ़ावा देने पर सैहमति जाहर कीती।

<><><><><><>

Dy. CM Nowshera

बुनियादी ढांचे दे विकास च तेजी आहन्नने आस्तै उपमुख्यमंत्री सुरिन्दर चौधरी होरें अज्ज नौशहरा च पीडब्ल्यूडी डाक बंगले दा दौरा कीता ते उत्थें चला'रदे निर्माण कम्में दा जायजा लैता। डाक बंगले च इक कांफ्रेंस हाल दा निर्माण बी कीता जा'रदा ऐ। इस मौके अधिकारिएं उपमुख्यमंत्री होरें गी दस्सेआ जे परियोजना दिसम्बर 2025 तगर सबूरी होई जाग। उपमुख्यमंत्री होरें निर्माण कम्में दी गुणवत्ता दा मुआयना कीता ते अजेंसिएं गी पारदर्शिता ते जवाबदेही बनाने दे कम्में च तेजी आहन्नदे होई उच्च मानकें गी बनाई रखने दा आग्रह कीता।

<><><><><><>

Rana Poonch

जल शक्ति मंत्रर जावेद अहमद राणा होर बन्ने कन्नै लगदे इलाकें च रौहने आले लोकें दी दलेरी दी सिफत कीती ते चला'रदी तनोतनी गी दिक्खदे होई उंदी राष्ट्रीय एकता ते अखंडता च उंदी भूमका दी सराहना कीती। पुंछ दे मेंढर इलाके दे अपने दौरे दरान उनें जम्मू कश्मीर दे लोकें आस्सेआ दित्ते गेदे बलिदान गी बी उजागर कीता। मीडिया कर्मिएं कन्नै गल्ल करदे होई मंत्री होरें आखेआ

हाल च होए दे पहलगाम आतंकी हमले बारे बोलदे होई मंत्री नै सेना पर भरोसा जतांदे होई आखेआ जे भारतीय सेना हर चुनौती दा सामना करने दा समर्थ रखदी ऐ ते दुनिया भर च एहदी इजाजत ऐ। उनें आखेआ जे सेना कश कारवाई करने दे अख्तेयार नते ओह मुख्ख दी सुरक्षा गी जकीनी बनाग। उनें आखेआ

<><><><><><>

LG-Shankaracharya

उपराज्यपाल मनोज सिन्हा होरें जगत गुरु आदि शंकराचार्य हुंदी जयंति दे मौके पर सब्बने गी शुभकामनां दित्तियां। उनें 4 पीठ दी स्थापना कीती ही। उपराज्यपाल मनोज सिन्हा होरें आखेआ जे आदि शंकराचार्य हुंदी धरोहर असेंगी प्रेरित करोग, सेवा ते भलाई बेहतरी आली बत्ता पर टुरने लेई। पुंछ दे दशमामी अखड़े आस्सेआ आयोजित हवन यज्ञ ते भंडारे च ज्हारां बद्धे श्रद्धालुएं हिस्सा लैता। आकाशवाणी समाचार कन्नै गल्ल करदे होई सनातन धर्म सभा दे प्रधान के.पी.शर्मा होरें आखेआ जे कार्यक्रम च एकता, अखंडता, भक्तें ते आध्यात्मिकता दी महत्ता गी उजागर कीता गेआ। उनें आखेआ

<><><><><><>

Itoo Healthcare

सार्वजनिक सेहत सहूलतें च इक बड्डा बाद्ध करदे होई सेहत मंत्री सकीना इत्तू होरें पूरे जम्मू कश्मीर च 103 मैडिकल अफसरें दी नियुक्ति दी घोषणा कीती। इक सोशल मीडिया पोस्ट च मंत्री सकीना इत्तू होरें आखेआ जे इनें नियुक्तिएं दा उद्देश्य रणनीतिक रूपै कन्नै केन्द्र शासित प्रदेश दे दूर दरेड़े खेत्तरें च सेहत सेवाएं गी निगार करना ऐ। एहदे अलावा सेहत सेवा प्रदान करने ते पुज्ज व सुधार करने आस्तै माहिर डाक्टरें गी जिला अस्पतालें ते उप-जिला अस्पतालें च तैनात कीता जा'रदा ऐ। एह पैहल इक सेहतमंद ते मते समावेशी जम्मू कश्मीर दे निर्माण दी दिशा च इक महत्वपूर्ण गैह ऐ जेहदे कन्नै खेत्तर दे हर कोने तगर गुणवत्तापूर्ण सेहत दिक्खभाल जकीनी बनी सकदी ऐ।

<><><><><><>

Anti Drug-Ramban

नशा मुक्त समाज बनाने दे अपने लगातार जतनें तैहत पीएम श्री सरकारी हायर सकेंडरी स्कूल टेसर रोमबन च नशा मुक्ति बारे सगंध ते जागरूकता कार्यक्रम दा सरिस्ता कीता गेआ। एहदा आयोजन रामबन दे डिप्टी कमीशनर बसीर-उल-हक चौधरी हुंदे आस्सेआ शुरू कीती गेदी मुहिम तैहत होआ। कार्यक्रम च विद्यार्थिओं गी नशे दे माड़े असर बारे जानकार बनाया गेआ। विद्यार्थिओं नशा नेई करने बारे इक सगंध लैती ते केई सारी गतिविधिओं च हिस्सा लैता

<><><><><><>

Medical Camp Rajouri

इक सराहनीय मनुक्खी पैहल च भारती फौज नै राजौरी दे दूर दरेड़ें ग्राएं तारकुंडी ते नल्ली च इक विशेष स्वास्थ्य सेवा शिविर दा आयोजन कीता तां जे स्थानी आबादी गी दंदे दी बड़ी जरूरती ते विशेष दिक्खभाल मुहैया कराई जाई सकै। ग्रां आले नेह कठिन इलाकें च चिकित्सा सुविधाएं गी उंदे घरें तगर पजाने आले फौज दा दिल कन्नै आभार प्रगट कीता। एह पैहल अगड़े ते दूर दरेड़े बन्ने आले खेत्तरें च रौहने आले बसनीकें दे कल्याण आस्तै फौज दी निरंतर प्रतिबद्धता गी दर्शादी ऐ।

<><><><><><>

Traffic

जम्मू-श्रीनगर राष्ट्री शिड़कें पर रामबन दे चंबा सेरी चा चिक्कड़-गारा औने करी गड्डिणं दी आमदोरफत दौनें पास्सेआ रोक दीत्ती गेई ऐ। यात्रिओं गी सलाह दीत्ती जंदी ऐ जे ओह शिड़क साफ होने तगर जम्मू-श्रीनगर राष्ट्री जरनैली शिड़क पर यात्रा करने थमां बचन। तां जे जानकारी लेई ओह ट्वीटर ते फेसबुक पर ट्रैफिक पुलस दे पेज गी दिक्खी सकदे न। प्रशासन गड्डिणं दी आओजाई तौले शा तौले ब्हाल करने आस्तै कम्म करा'रदा ऐ। तोआई कल रातीं भारी बरखा दे परैत चिनाब दरेया दा जल स्तर तेजी कन्नै बधी गेआ। प्रशासन नै सलाह जारी

करियै खलके ते आस्सै पाससै दे खेत्तरें दे लोकें गी सतर्क रौहने ते दरेया दे कंडै ताने शा बचने दा आग्रह कीता ऐ। रापिटिंग एसोसिएशन रियासी दे प्रधान गुरजीत सिंह होरें आकाशवाणी समाचार कन्नै गल्ल करदे होई आखेआ

<><><><><><>

Gyanpath-Design

स्वतंत्रता दिवस समारोह 2025 दे हिस्से दे तौरा पर रक्षा मंत्रालय आसेआ MyGov दे सहयोग कन्नै पैहली थमां 15 मई तगर ज्ञानपथ दे डिजाइन लेई प्रतियोगिता दा आयोजन कीता जा'रदा ऐ। एहदा मकसद युवाएं ते जनता च देशभक्ति दी भावना गी बल देना ऐ। प्रतिभागियें गी लाल किले च एनसीसी कैडेटें, छै दे स्वयंसेवकें ते स्कूलें दे बच्चें आसेआ बनाए जाने आहले फार्मेशनें गी डिजाइन करना होग। पैहले त्रौनें जेत्तुएं गी 10 ज्हार रपे जिसले के पहले 250 प्रतिभागियें गी ई निमंत्रण पत्र थ्होग जे ओह अपने इक साथी कन्नै इस समारोह दे साक्षी बनी सकन। डिजाइनें गी डलळवअ दे दिशा—निर्देशों दी पालमा करनी होग।

<><><><><><>

